



鑄琴銅劍樓藏書目錄

物 2
836
6





鐵琴銅劍樓藏書目錄卷第十三

常熟瞿 鏞子雍

子部一

儒家類

孔氏家語十卷

影鈔宋本

題王肅注有後序汲古毛氏刻此書得一宋本闕卷首至卷二凡十六葉因參用通行本故注字脫落顛倒最多此本完善無譌足以訂正甚多每半葉九行行十七字注用雙行行廿三至廿五字不等相傳有毛斧季校宋本覈之一一脗合

孔子家語十卷

校宋本

此陳氏子準傳錄毛斧季氏校宋本朱筆從北宋墨



筆從南宋按子晉跋謂丁卯秋得北宋刻本其卷二第十六葉以前已蠹蝕繼於己卯春復得一本闕末二卷合之始至今校改注字脫落顛倒者自卷首至卷二十六葉以前為多蓋初得宋本即刻其闕者仍參通行本迨續得全本不及追改矣卷首有稽瑞樓朱記

纂圖互註荀子二十卷

元刊本

唐楊倞註并序此書出宋時書肆所刻元人繙雕者抱經盧氏曰雖有脫譌差舛而未經校改其本真猶未盡失澗蕢顧氏曰明世德堂本即所自出惟刪其重意而刪之未盡者猶存二條於修身王制篇中卷首有仲魚朱記

荀子二十卷

校宋本

此元和惠徵君校宋本原出葉林宗氏以景定本校過徵君又加校之澗蕢顧氏依之傳錄凡改正七百七十字卷中有樹玉案一條當是匪石山人題識盧氏校刻本每自用己意舉以相核不盡同也卷首有顧澗蕢

藏書朱記

荀子二十卷

校宋本

此抱經盧氏校本也案抱經校是書凡用數本其一為影鈔大字宋本卷末補錄劉向校錄奏一篇并記後有兩行一題將仕郎守祕書省著作佐郎充御史臺主簿臣王子韶同校一題朝奉郎尚書兵部員外郎知制誥上騎都尉賜紫金魚袋臣呂夏卿重校知其本在宋英宗時奉敕定者也其一為元刻纂圖互

注本其一為世德堂原本及鍾人傑本丹黃爛然善本略備矣

每卷有文昭讀過丹村子金華張氏翠薇山房諸朱記

荀子考異一卷

鈔本

宋淳熙間邑人錢氏佃刻荀子既用各本參校復有所疑因著考異附卷末自為之跋今淳熙本不獲見惟傳此卷其跋云右荀卿子書楊倞注凡三十二篇為二十卷并劉向篇目舊嘗患此書無善本求之國子監亦未嘗版行比集諸家所藏得二浙西蜀本凡四增寡同異莫適取正末乃於廬陵學官藏書中得元豐國子監刻者遂取以為據然猶有謬誤用諸本參校凡是正一百五十有四字其有疑而未決者并世俗所習熟而未定如青出於藍而青於藍者監本

所出而文義或非又如莫善於樂而作美善相樂皆不敢沒其實著之卷末又一百二十有六條雖未敢以為盡善然耳目所及此已特為精好謹刻之江西計臺俾學者得以攷訂而誦習焉淳熙入年六月丙午吳郡錢佃謹識案佃字仲耕政和進士觀復之子登紹興十五年進士官至中奉大夫祕閣修撰著有易解十卷詞科類要二十卷文集二十卷見常熟縣志

孔叢子七卷

明刊本

漢孔鮒撰此明人翻梓宋時巾箱本題宋咸註程以進閱前有咸上表及序二篇寫刻甚精

新語二卷

明刊本

題漢太中大夫陸賈撰後附賈本傳一篇書中闕文
注明闕幾字此明刻小字本較別本為勝

新語二卷

明刊本

題漢中大夫陸賈撰此弘治間李仲陽得舊本刻於
桐鄉者寫槧甚精而殘缺已多知是書久無善本矣
有錢福序都穆跋

新書十卷

明刊本

漢賈誼撰宋淳熙辛丑程漕使某攝潭州守刻置學
宮明時其板殘闕弘治間陸相為長沙太守嘗以黃
都諫寶藏本修補印行此則吉府重刊本悉依宋刻

卷中有吉府
圖籍朱記

鹽鐵論十卷

明刊本

漢桓寬撰弘治間新塗涂禎刻於江陰是本從宋嘉
泰本翻雕故匡桓等字俱減筆雲間張氏注本改為
十二卷竄亂舊第字句亦多踳駁今陽城張氏重刻
本悉依涂氏之舊

鹽鐵論十卷

舊鈔本

此從錫山華氏活字本傳錄顧澗蕢氏以太元書室
本攬寧齋舊鈔本校過末有澗翁題記云讀此書貴
能得其用如予者徒索解於字句間何足道耶癸亥
八月重閱一過記又云嘉慶丁卯五月為居停主人
張古餘先生校刻宏治十四年涂禎本再讀此案是
本當即陽城張氏撰考證之底藁也

卷首有顧澗
蕢手校朱記

劉向新序十卷

明刊本

此嘉靖間依舊本重刊字畫清朗大似宋刻與別本不同者注明一本作某字前有曾鞏進書序目錄接序文後猶宋刻舊式也

卷首有皇明學士宋氏圖書耐辱居士二朱記

新序十卷

校宋本

題陽朔元年二月癸卯護左都水使者光祿大夫臣劉向上序文後接目錄以每卷爲次目錄上空二字卷第一上空三字雜事上空四字每半葉十一行行二十字間有小注明刻所無如卷十善謀篇守戰南陽守齟保宛城下注云史作與南陽守齟戰犍東破之南陽守齟走保城守宛又休牛於桃林下注云史作放牛桃林之陰示天下不復輸積又雍齒與我有故下注云漢書音義曰未起時有故怨又深入伐國

墮城下注云漢史作以飽待飢正治以待其亂定舍以待其勞故按兵覆衆伐國墮城又正遣人獲也下注云漢史作不至千里人馬乏食兵法曰遣人獲也全書改正譌奪處甚多後有蔣氏杲手記云康熙庚寅借義門師校正本對勘師本乃從憩橋巷李氏借得陽山顧大有舊藏宋槧本校定也又於卷一後錄錢蒙叟舊題云舊本新序說苑首開列陽朔鴻嘉某年某月具官臣劉向上一行此古人修書經進之體式今本先將此行削去古今人識見相越及鑱刻之佳惡一開卷而可辨者也

說苑二十卷

元刊本

漢劉向撰此本校刻楮印俱精前有南豐曾氏序連

屬篇目及劉氏進書狀猶宋本舊式也舊藏邑中馮

氏卷首有臣班
二癡二朱記

說苑二十卷校宋本

題鴻嘉四年三月己亥護左都水使者光祿大夫臣
劉向上前有向進書序繼以總目日後有曾鞏進書
序後有咸淳乙丑九月鄉貢進士直學胡達之眎役
迪功郎改差充鎮江府府學教授徐沂迪功郎特差
充鎮江府府學教授李士愧命工重刊三行是書元
刻脫譌甚多宋本與明程榮本次序無異惟第六卷
復恩篇中晉趙盾舉韓厥一條下多一條云遷伯玉
得罪於衛君走而之晉晉大夫有木門子高者遷伯
玉舍其家居二年衛君赦其罪而反之木門子高使

其子送之至於境遷伯玉曰鄙夫之子反矣木門子
高後得罪於晉君歸遷伯玉伯玉言之衛君曰晉之
賢大夫木門子高得罪於晉君願君禮之於是衛君
郊迎之竟以為卿云云為各本所無後有錢遵王題
記云戊辰夏五廿三日借朱卧庵宋槧本校畢又陳
玉齋題記云丙辰二月盡日閱於寶晉齋時有肩之
疾殊草草也九月九日又取勅先校本添改訖又何
小山題記云凡陳本與此異者出於下方辛己夏四
月小山取陳本添改訖卷首末有興祖孝修孫長君
大雅堂文玩記錢孝修圖書

印諸
朱記

纂圖互注揚子法言十卷元刊本

漢揚雄撰晉李軌唐柳宗元注宋宋咸吳祕司馬光

增注前列景祐三年宋咸序及進書表又司馬光序
與世德堂本同惟宋序後有墨印六行云本宅今將
監本四子纂圖互註附入重言重意精加校正並無
訛謬贍作大字刊行務令學者得以參考互相發明
誠爲益之大也建安下空三字謹咨據此則是本依宋監
本授梓故卷首宋咸題名上冠以聖宋也案法言舊
有治平監本係李軌單注有音義爲十三卷此則合
李注爲五家注依宋咸本爲卷十書中與李本有異
同如學行篇以其所以葬與上以其所以養句例正
同李本作以其所葬是所下脫以字矣吾子篇事辭
稱則經李本誤重事字問明篇巢父灑耳與音義灑
音洗合李本作洗耳當誤寡見篇又從而繡其鞞悅

李本誤重其字五百篇由羣婢之故也李本作羣謀
先知篇謹其教化李本作議其重黎篇請問蓋天李
本作請問蓋以天字混入注中大誤又始元之初李
本作始六之詔淵鷲篇翼以揚之李本作翼以又實
蛛蝥之靡也李本作劇也君子篇人言仙者有諸乎
曰吁李本乎下脫曰字凡此諸條皆卓然勝於李本
者惜諸家注文多刪節而溫公集注十三卷全本不
得見尤可惜也

五臣音注揚子法言十卷

校宋本

此世德堂刊本與元刻五家注同惟去其重言重意
耳何氏義門與弟心友以傳是樓所藏治平本手校
一過李注俱補全間綴論議於上方卷中朱筆所點

與乙處卽李文貞錄入榕村講授中者卷末有跋語
楷法精整當是義門真蹟嚮藏里中陳氏張氏藏書
志著錄者卽從是本傳寫卷首有稿
瑞樓朱記

五臣音注揚子法言十卷校宋本

此本與世德堂本同唯板心無世德堂刊四字新安
方山人亦以李軌單注本校末有題記二行云己亥

殘冬用南渡後國子監翻雕官本粗校一過宋本係
李軌本別有音義一弓附後惜未錄出案山人名正

澍字子雲乾隆間詩人也卷首末有新安方正澍珍
藏嚴長明用晦甫圖書記

文昭借閱
諸朱記

潛夫論十卷明刊本

漢王符撰此本出明初重刻宋本今以新安程本相

校勝處甚多如三式篇稷卨不誤稷禹德化篇砥天

不誤砥礪氏姓篇賜禹姓姒氏不誤似氏則不能故

也不誤改也王孫氏不誤五孫蓋須胸之女也不誤

言也略舉什一足徵舊本之可貴矣卷首尾有瑣川
吳氏收藏圖書

士禮居臧海寧
陳鱣觀諸朱記

申鑒五卷明刊本

漢荀悅撰宋尤文簡公嘗刻荀氏書於江西漕臺已

有脫譌黃氏得其本而校之刻於正德間有王鏊序

中論二卷明刊本

漢徐幹撰并序是書唐志作六卷晁氏讀書志陳氏

書錄解題馬氏通考俱稱二十篇卷分上下與今本

合此明弘治間吳縣學生黃紱以陸友仁藏宋石邦

哲校本重刻吳人韓壽椿繕錄寫刻俱精有邦哲友
仁及都穆跋嚮藏邑中毛氏冊首有汲古閣朱記

中說十卷宋刊本

題阮逸註前有逸序及篇目每篇為一卷目後有隱
士王氏取瑟堂刊一行每半葉十一行行二十字注
字雙行行二十五字朗恒徵慎字減筆卷中有朱筆
校語較元刻釋音本為勝

中說十卷元刊本

此較宋刻本多釋音而間有譌字如銅川作綱川臧
否作藏否惚乎作惚乎之類蓋元時書肆所刻者前
列王氏世系年表謂文中子出漢徵君霸之後題文
中子纂事河汾繫子王壬當是其裔孫所纂也

張子語錄三卷後錄二卷宋刊本

不題名亦無序跋卷末有後學天台吳堅刊於福建
漕治二行每半葉十行行十八字板心注字數及刊
工人名敦字闕筆光宗後刻本也舊為汲古毛氏藏

卷首未有奏叔汲古閣圖書記朱記

龜山先生語錄四卷後錄二卷宋刊本

此亦福建漕治刻本與張子語錄行款悉同後題字
亦同書中恆桓徵慎敦減筆卷末有正統戊辰仲夏
在金谿義塾重裝一行卷首有毛裛之印字奏叔二朱記

二程全書六十五卷明刊本

此書為二程子門人所記朱子復次錄之凡記載失
真者皆為刊削成遺書二十五卷附錄行狀墓表年

譜爲一卷又慮或有所遺復於門人集錄者采擇成編得十二卷題曰外書以別於遺書淳祐間教授張玘合經說文集刊行號程氏四書猶各自爲書也明天順間國子監丞閻子與重刻之南陽李文達題曰二程全書弘治間監察御史李瀚以舊藏本與閻本屬參議康紹宗僉事彭綱編校河南知府陳宣刻之有朱子二跋及李瀚彭綱陳宣序

童蒙訓三卷

舊鈔本

宋呂本中撰樓昉序其書歷述師友遺聞多格言至論宋時重之其本不一刻此邑人王嗣賢所錄宋本原書卷末有墨圖記四行其文云紹定己丑郡守眉山李重得此本於詳刑使者東萊呂公祖烈因錄本

於玉山堂以惠後學案嗣賢工書法喜鈔錄古書陳

見復先生弟子

卷末有生於虞山嗣賢二朱記

近思錄集解十四卷

宋刊本

宋朱子呂成公同輯建安葉采注前有淳熙乙未朱子原序及淳熙三年成公題辭又淳祐戊申葉采序淳祐十二年葉采進書表全書共六百二十二條每卷記若干條每半葉入行行十八字雙行夾注每行十八字魚尾注大小字數停字闕筆卽淳祐時刻本也

朱子語類一百四十卷

明刊本

門人彙輯與朱子問答語各錄成編咸淳間導江黎氏靖德合池錄饒錄饒後錄建錄建別錄蜀類徽續

類考其同異削其舛譌分爲二十六門序而刻置郡齋此明人翻雕本一遵宋刻之舊

朱子成書十卷

元刊本

題廬陵後學黃瑞節附錄案瑞節字觀樂元時以薦授泰和州學正未赴爲學得朱門傳授輯朱子書在四書外者共十種曰太極圖說通書西銘正蒙諸解易學啟蒙家禮校正律呂新書皇極經世指要周易參同契解校正陰符經每種爲一卷前有大德乙巳廬陵劉將孫序目錄後有墨圖記曰至正元年辛巳日新書堂刊行

麗澤論說集錄十卷

宋刊本

此呂成公門人集錄其師之經說及史說雜說弟祖

儉哀輯成編從子喬年復附益次比以刻之有後跋詩說獨曰拾遺異於他經說者以有讀詩記故也雜說多講學語成公學本程子論說醇正體用兼備故朱子引之同纂近思錄雖門人所輯語類中間有不足於伯恭之語迺當時效同志相規之義原非屏斥之謂不得預於斯道也不解宋史道學傳何以遺之其詩說一種與讀詩記體例稍異讀詩記專釋詩此則開示後人讀詩之法或證以史事或抒其心得多體會真切處如說免置謂後世甯戚飯牛買臣負薪不足以容己是齊與漢之風化小若文王之時免置之人雖皆有才而當其施於中達施於中林雍容閒暇自忘其才可爲公侯之用則周南風化之大可知

說碩鼠謂我將去之將者欲去其實不去譬之以鼠怨憤極矣猶且不忍去所以見忠愛之深說天作高山謂彼祖矣岐三句是一詩要處後世因物思人如峴山之類以為人既亡所存惟陳迹古人則異是文王雖往而其坦夷可行之道與山俱存而未亡子孫保之足矣略舉數條可知其以意逆志之概是本每半葉十行行二十字板心有字數其匡貞恒慎完微字皆有減筆猶呂氏原刻本也卷中有徐恪公肅圖籍朱記

木鐘集十一卷 明刊本

宋陳埴撰并序是書雖名集而實為語錄故取攻木撞鐘之義久無傳本明弘治間鄧淮為温州守得舊本刻置郡齋以行卷首有牧翁蒙叟璜川吳氏收藏二朱記

大學衍義四十三卷 宋刊本

宋真德秀撰前列自序及進書表又尚書省劄子又中書門下省時政記房申狀狀末題端平元年拾月非對日翰林學士中奉大夫知制誥兼侍讀真德秀狀以下為目錄每半葉十一行行二十一字匡惇字闕筆

桓作亘卷末有錫山治本堂圖書汲古主人毛氏子晉氏諸朱記

西山真文忠公讀書記甲集三十七卷 宋刊本

宋真德秀撰書錄解題云其書有甲乙丙丁甲言性理中述治道末言出處今但有甲三十七卷丁二卷黃升文獻通考亦僅載三十九卷明刻本有乙集為門人湯漢所續丙集亦無是宋本止有甲丁二集此闕丁集二卷耳卷首綱目一篇具詳作書之旨每半葉九

行行十六字注每行二十四字間有元明時修板寬
行大字宋末監本也

黃氏日鈔九十七卷

元刊本

宋黃震撰沈達序此書刻於宋時中值兵燬板已亡
失元至元間孫禮之購求蒐輯補完以刻之已闕卷

西山八十一卷八十九卷九十二書中桓字或減筆作桓

或作亘蓋是本從宋槧出也舊藏曹倦圃家

卷首有曹洛橋

李曹氏藏書印二朱記

北溪先生字義二卷

明刊本

宋陳淳撰題門人清源王雋編後附嚴陵講義四篇
宋時有永嘉趙崇端刻本陳必為之序明弘治三年

浙江參政臨漳林進卿重刻之後進卿擢浙藩以舊

板亡失復刻之此其再刻本也卷首有弘治庚戌新

喻胡榮序卷末有弘治壬子分寧周季麟跋

孔子集語二卷

影鈔宋本

宋薛據纂并序書成於淳祐丙午凡二十篇前有景

定元年中書省看詳進狀此本舊藏崑山葉氏每段

不提行惟空一格加圓圍與山東孔氏刻本款式異

後有錢遵王顧抱冲跋

卷首有葉氏紫竹堂藏書朱記

程氏家塾讀書分年日程三卷

元刊本

題鄞縣程端禮編此甬東家塾刊本也前有翰林余

謙序南臺中執法迂軒趙世延序至順三年永嘉李

孝光序及延祐二年端禮自序又次為綱領後有元

統三年自跋謂舊本不同此則刊於家塾本又有至

治改元巴西鄧文原跋元統三年甬東辭觀處跋

卷首

有汲古閣毛晉之印

毛子晉氏諸朱記

辨惑編四卷

舊鈔本

元謝應芳撰是書因吳俗信鬼神而作嚮無刻本近謝氏後人出家藏本屬毘陵高廷鈺校刻行世此猶明人傳錄本也

魯齋心法二卷

舊鈔本

元許衡撰此皆文正與門人講學之言不載魯齋全書中明嘉靖元年洪洞韓士奇得其本序而刻之是本即從之傳錄也

右儒家類

兵家類

六韜六卷

影鈔宋本

舊題周太公望撰核之唐宋人傳注類書所引率多不合疑出後人依託然宋時流傳即是本也書中敬完徵慎有減筆蓋邑人錢孝修從宋本影鈔者字畫精妙可喜孝修遵王從子

卷首有錢孝修圖書印朱記

武經七書

影鈔宋本

是書為宋時合刻不題纂輯姓氏無序跋據宋史謂何博士去非為武學教諭校兵法七書是出何氏手定也按總目孫子卷上中下吳子卷上下司馬法卷上中下唐太宗李衛公問對卷上中下尉繚子卷一至卷五黃石公三略卷上中下六韜卷一至卷六每半葉十行行二十字葉心有字數刊工姓名晁氏曰

元豐中以六韜孫子等頒行武學號曰七書是本當
出其時案尉繚子黃石公六韜宜置前而反列李衛
公問對之後宋時亦疑其偽託矣

尉繚子直解五卷

明刊本

題前辛亥科進士太原劉寅解案隋志尉繚子五卷
唐志作六卷此猶舊第其書每節分解簡要明畫似
宋人之筆特未知寅爲何時人耳其刊本款式當在
嘉靖以前也

直說素書一卷

元刊本

是書乃黃石公遺言與三略異其注釋未題名案序
作於至正十四年稱廣陵寡學王氏注卽其作也後
有音釋

李衛公望江南一卷

明刊本

唐李靖撰前有貞觀七年靖自序略謂自黃帝爲始
以晉漢書撮取諸家兵道要妙以至占課主客迎避
應軍所宜勝負情源選纂類聚作爲誦歌計七百首
目之曰望江南云云後有錢塘張振先刻板跋案敏
求記有神機武略望江南一卷疑卽此書相傳黃石
公以授張子房者其說尤誕大抵術士依託之說卽
謂李衛公作亦未可信也

神機制敵太白陰經十卷

舊鈔本

題唐河東節度使都虞侯李筌撰卷首進書表末有
六行云祕閣楷書臣羅士良寫御書祇候臣錢承灝
勘入內黃門臣張永和宋允中監入內侍高班內

品臣譚元吉趙誠信監與錢氏敏求記合惟宋允中
錢本作朱允中此傳寫偶異耳按表尾聯銜六人為
唐永泰時內府臣遵王未見前葉據以為宋朝內府
鈔本非也李氏嘗注孫子見道藏本又有古文辭傳
世是書見唐志宋志杜氏通典兵類中采用頗多迺
兵言之最可信者非若他書之出自依託也此本較
四庫著錄少宴娛音樂二篇而篇首總序及天無
陰陽篇不闕猶存十卷之舊為可貴云

道德經論兵要義述四卷

鈔本

題朝議郎使持節漢州諸軍事漢州刺史充威勝軍
使賜緋魚袋臣王真上前有元和四年進書狀又敘
表一篇王氏久列戎行熟於兵事因唐時尊崇老子

故借道德經言兵之義以推闡之

武經總要前集二十一卷後集二十一卷

明刊本

宋曾公亮丁度等奉敕撰分前後二集制度十六卷
邊防五卷後集故事十五卷占候六卷有仁宗御製
序可考見宋時一代兵制

何博士備論一卷

舊鈔本

宋何去非撰卷首有蘇文忠薦狀稱二十八篇此本
祇二十六篇核錢氏也是圍藏本多漢武論唐論二
篇而此本中鄧禹論又錢本所無參合兩本可還二
十八篇之舊又兩本題有互異者如此本首篇戰守
論錢本作秦論七國論作六國世祖論作漢光武論
孫堅攻董卓論作吳論曹操攻袁紹吳蜀論作魏論

上韓信曹操論作魏論下司馬懿論作司馬仲達論
 諸葛亮論作蜀論孫氏保全江東論則連上孫堅攻
 董卓論為一篇題曰吳論淮淝之戰論作苻堅論上
 慕容垂叛苻堅論作苻堅論下五代通論無通字皆
 篇名之異字句亦多異同此為蕭飛濤手鈔本飛濤
 名江聲一字白沙以詩畫篆刻擅名邑中卷首有蕭
 江聲讀書
 記飛濤白沙
 手校諸朱記
 將鑑論斷十卷舊鈔本
 宋戴少望著并序論凡百篇取春秋至五季名將行
 事究其得失而論斷之宋時有麻沙本成化間廣安
 守許某得其本於蘇州范氏刻之郡庠有王鉞跋此
 尚出明人所鈔

藏書目錄卷三

鐵琴銅劍樓藏書目錄卷第十三終

鐵琴銅劍樓藏書目錄卷第十四

常熟瞿 鏞子雍

子部二

法家類

管子二十四卷 宋刊本

此書首列管子序楊忱撰接總目錄又劉向進書序
連接管子卷第一題唐司空房元齡註又列卷一之
目後接本文以後每卷同卷末後有張嶠巨山讀管
子不詳歲月文中有紹興己未從人借得改正訛謬
抄藏於家云云楊序作於大宋甲申九月按己未為
紹興九年甲申為隆興二年孝宗初立時也大約刻
即在其時每半葉十二行行廿四字宋諱敬竟鏡殷

匡貞字有闕筆明萬曆間趙文毅刻本即從此出校
讎亦慎然尚有譌字亦有臆為校正而實譌者今除
宋本本譌趙本校正不譌外舉其異於趙本而可訂
正者如卷一形勢第二虎豹託幽而威可載也託不
作得譌臣者可與遠舉與不作以邪氣襲內襲不作
入道往者其人莫往道來者其人莫來上不作莫來
下不作莫往于廷宋氏曰道往者其人莫往言人與
道俱化而不見其往也道來者其人莫
來亦與道化而不見來也故注云均彼我忘是非而
無往來之體劉績據形勢解改作道往莫來道來莫
往彼係莫知其澤之澤不作釋按釋作澤
訛字者天圍之圍不作違石渠王氏曰圍違古通借字繫
辭傳範圍天地之化而不過釋
文範圍馬王
肅張作犯違權脩第三舟車臺榭廣車下無飾字朝
庭不肅庭不作廷宋曰庭廷
古通用立政第四功力未見於

國者則不可授與重祿與不作以草木不得成得不
作植然后可以布憲后不作後全書悉同乘馬第五
凡立國都非於大山之下大不作太王曰大山廣川
相對為文無取
於太長短小大盡正不作大小藪鎌纏得入焉纏不
作纏王曰纏說文作縲索也案鎌以刈薪纏以束之
列子云擔纏采薪是也鎌纏皆入藪采薪之用
故曰藪鎌纏得入焉則視貨離之實而出夫粟貨不作貨今日
不為明日亡貨亡不作忘卷二七法第六成器不課
不用不試不臧臧不作藏必須於理義故不理不勝
天下理不作禮版法第七兼愛無遺謂君謂上無是
字君下無心字象地無親地不作法案象地與上法
天對作地為是
安高在乎同利不作高安卷三幼官第八治和氣下
無用五數三字案三字
劉績增藏温儒儒不作濡宋曰說文
濡柔也温

儒猶溫柔與濡義近古字通用勸勉以遷眾遷不作選聽羽聲下無

治陽氣三字劉績增行春政華春不譌秋必得文威武

官習勝勝下無之字養之以德則民合故能習合下

無和合二字莫能傷也莫下無之字罰人是君君下

無也字幼官圖第九小注次序作西方本圖西方副

圖南方本圖中方本圖北方本圖南方副圖中方副

圖北方副圖東方本圖東方副圖以下本文悉依之

劉績本與宋本同趙本依上文改易其舊其中方本圖文中庶人之守也

下無動而無不從靜而無不同十字卷四宙合第十

一民之興善也如化不作如此王曰作化是呂氏春秋曰兵不接刃而民

服若爵尊即肅不作則松崖惠氏曰繆過以愔則憂

愔不作昏樞言第十二故曰有氣則生無氣則死下

無生者以其氣五字劉績增萬物之脂也脂不作指賢

大夫不恃宗室室不作至自古及今未嘗之有有下

無也字卷五入觀第十三金玉貨財商賈之人不論

而在爵祿論下無志行二字祿下無也字法禁第十

四壹士以為亡資不作壺士王曰壺當為壹亡乃已之譌尹註作壺娘之士

大謬壹聚也言收聚眾士以為己用即上文所謂舉國之士以為己黨也王以意定為壹豈知宋刻本作

壹不作壺耶重令第十五慶賞不施於卑賤而求令之必

行而上無二三兩字卷六法法第十六是故先王制

軒冕足以著貴賤不作所以法之侵也生於不正於

不譌而故言有辯而非務者辯不作辨矜物之人無

大士焉矜不譌務則內亂自是起矣不脫矣字兵法

第十七得地而國不敗者因其民民下無也字因其

民則號制有發也民不譌利卷七大匡第十八今君

知臣之不肖也臣下不脫之字召忽曰可曰下無不

字千里顧氏曰可當為匡或形其反不足以圖我哉

反不作及宋曰反當是友之譌下文朋凡仕者近公

不作近宮小匡第二十管仲詘纓捷衽不作插衽淵

孫氏曰太平御覽引比耒耜殺芟殺不作穀孫曰殺

齊語作耒芟王曰敬畏戚農下有有司見之而不以

告其罪五有司已於事而竣十八字案此下文語錯

設問國家之患而不肉肉不譌肉王曰劉績依齊語

其字本作灾隸書或從篆作肉形與肉相似因誤為

肉說文灾貧病也從山久聲詩曰熒熒在灾今詩灾

作灾未必非後人所改案王校未見聰明賢仁賢不

宋本而與之暗合其精於小學如此譌質渠彌於有階有不作河下渠彌彌不作彌中國

諸侯不作中諸侯國握粟而莛者屢中莛不譌莛案

卽筮故行地茲遠茲不作茲人君惟優與不敏為不

可優不作優下優則亾眾同宋曰優訓隱言人君自

優則亾眾也若作優而釋以此五子者夷吾一不如

脫一字卷九霸形第二十二桓公親管子曰不作視

管仲曰案親疑視之譌上下文霸言第二十三千乘

之國可得其守不脫可字未嘗有能先作難不作先

能卷十戒第二十六使四枝耳目而萬物情不作四

肢地圖第二十七主明相知將能之謂參具參不作

參制分第二十九乘瑕則神不作乘瑕案說文無瑕

瑕字形至而不可圍圍不作圍君臣上第三十地有

常刑刑不作形案刑形所出法則制度者明也不作

則所出法度者明也卷十一君臣下第三十一而物厲之者也厲不作屬宋曰厲讀為賴則下無冀倖之心矣冀

不譌異故民赴則流之不作民迂案赴即迂之別體上文刑道滔赴亦

即是迂趙補注謂走也巨言切則謬矣明妾寵設妾不作立小稱第三十二又可得乎下無我託可惡四字劉續本亦無四

稱第三十三不諱其辭諱不作毀侈靡第三十五山不同而用揆同不作童揆不作贍此不可通而必因趙刻臆改必因

成刑而論於人刑不作形此政衍也衍不作行案衍字不

可通或是道字因篆文作衆而譌承弊而名勸之名不作民請問諸侯之化弊也不脫也字父擊而伏之擊不作繫國門

則塞百姓誰衍敖衍不作敢此衍字或衍字之譌言國門既塞百姓無行邀

者毋仕異國之人是為經為下無失字乘馬田之衆田不作甸地與他一者從而艾之他下無若字國貧

而貪鄙富不脫貪字百夫無長衍可臨也衍不作不重有齊重以為國重上無輕字夫陰陽進退滿虛時

亡不作亡時卷十三心術上第三十六埽除不絮絮不作潔案絮潔本字說文無潔字心術下第三十七治心在中在

下無於字意然後刑刑然後思刑俱不作形凡心之刑過知先王不作過知失生案先王失生俱不可通疑宋本先字不譌而王

乃生白心第三十八知其象則索其刑刑不作形故善舉事者國下空一字不作人字卷十四水地第三

十九而好酒人之惡酒不作灑案酒古洗字作灑非非特知於麤粗也粗不作麤王曰麤粗與下微渺對文上倉胡反下才胡反春秋繁露俞序篇曰

誤 四時第四十闕譯認認不作隄行秋政則旱下卽
 接是故春凋秋榮云云其是故冬三月至所惡必伏
 一段原在下文暴虐積則亡下劉績移置於前趙本因之作教而
 寄武焉不脫焉伯申王氏曰句當有焉字豈知宋本固有之攝奸遁不作
 捕姦遁五行第四十一地競壞壞不作環任法第四
 十五猶墮已挺也不作猶墮之在挺也不能其意能
 不作適案能下疑脫一字正世第四十七重賦斂得民財得
 不作竭治國第四十八而亂國必貧必不作常封禪
 第五十帝倍封泰山倍不作響小問第五十一何以
 爲寡也不作何爲其寡也發倉廩山林藪澤以其其
 財倉不作食桓公與管仲闔門而謀伐莒未發也下
 無而已聞於國矣至未發也二十七字劉績補夫之役

者夫下無日字卷十七七臣七主第五十二傷伐五
 藏藏不作穀依尹注五穀之藏當作藏卷十九弟子職第五十九
 拚前板祭不作斂祭宋曰宋作板譌卷二十形勢解第六十
 四臣下墮而不忠墮不作隨筠軒洪氏曰墮與惰同下文云解惰簡慢以之
 事主則不以其理衍下瓦則必母答之理下有衍字
 不忠無動者二字必不作慈宋曰不以其理下一衍字校書者所加謂此四字爲衍文
 也案必母當亂主獨用其智而不任聖人之智聖不
 是母必譌倒案上文以聖人之智思慮者無不知也當作聖使人有理遇人有禮理
 作衆慮者無不知也當作聖禮不互倒卷二十一版法解第六十六故曰四說在
 愛施不脫四字明法解第六十七任人而不言言不
 作官宋曰羣書治要引作任人而不課言乃課字脫其半也主無邪辟之行辟
 不作僻使羣臣効其智能効不作效下同乘馬數第

六十九賣子數也也不作矣地田筭相員員不作圓宋曰員數也謂以筭通田之數今本作圓譌卷二十二事語第七十一不

待權與與不作輿海王第七十二今鹽之重今不作

令人數開口千萬也開不作問孫曰揆度篇及通典所引俱作開口行

服連輶輦者輦不作輦惠曰連即古輦字王曰通典引此亦作輦故尹注云大車

駕國蓄第七十三夫民者信親而死利信親不互倒

山國軌第七十四請問官國軌官不作官十鼓之壤

鼓不作畝山田閒田曰閒不作閒為之有道乎乎不

作予石渠王氏所見影宋本譌乎為于謂于即乎字引高誘注呂覽曰于乎也為證豈知宋本本作

乎不作山權數第七十五君不高仁則問不相被問

不作國相因揲而審因不作困山至數第七十六肥

籍斂則械器不奉而諸侯之皮幣不衣械器不奉下

不複衍四字泰秋田穀之存子者若干子不作予故

諸侯服而無止止不作正地數第七十七苟山之見

其榮者不脫者字揆度第七十八剝以為門父剝不

作剝此乃財餘以滿不足之數也不脫也字母曰用

之使不得不用也使不作用國准第七十九國准可

得而聞乎不脫而字禽獸象也禽不作猛出金山立

不作出山金立輕重甲第八十不審者得振審不作

資王曰審乃澹字澹即贍以隸書作澹形近而譌也故遷封食邑食不作倉

釜鑑之數釜不作釜夫妻服簞不作服簞王曰簞乃輦之譌

則無屋粟邦布之籍籍不作籍則空閒有以相給資

閒不作聞故使民求之使民籍之籍不作藉次日薄

苧苧不作苧卷二十四輕重乙第八十一夫海出沸

無止沸不作沸左右不足支支不作友己得四者之
序得不作有輕重丁第八十三上斷輪軸斷不作斷
帶山負海苦處上斷福漁獵之萌也苦不作若王曰
當為谷處福當為輻上斷少者三千鍾干不作十北
方萌者方下無之字受息之萌萌不作氓國有篲星
篲不作彗下同衍布五十倍其賈衍不作術按衍疑
行布對輕重戊第八十四以其不捐也捐不作增王
上守布捐當為捐子為我至生鹿二十至不作致案至致
捐與肖同日今齊載金錢而往日今不作因令王曰公因當為
其鑄莊山之金以為幣下文曰公其令案王氏孫氏
人貴買衡山之械器而賣之皆其證
洪氏宋氏所云宋本皆影抄紹興王申瞿源蔡潛道
刻本影抄亦有譌舛與是本間有不合處故所舉與

讀書雜識管子義證管子識誤三書亦不盡同冀附
諸家所記後以供好古者參證之助云

管子二十四卷校宋本

此鄉先賢趙文毅刻本有趙自序及王世貞序顧澗
贊氏以殘宋本校殘宋本自卷十三至十九缺每卷
末有墨圖記二行其文曰瞿源蔡潛道墨寶堂新雕
印其卷終又有圖記二行云瞿源蔡潛道宅板行紹
興王申孟春朔題澗翁又以朱筆錄惠松崖徵君疏
證語於上方卷首有顧澗
贊手校朱記

管子二十四卷明刊本

題唐司空房元齡注據舊唐書經籍志新唐書藝文
志有尹知章注後人咸謂是尹書而訛題房注者注

釋多所牴牾黃氏日鈔譏之書中多古通用字唐人
不講訓詁故所解率多牽強附會此本出先民陸敕
先所校悉照宋本顧澗贇氏依之以錄并自加案語
訂譌甚多

鄧析子二卷

宋刊本

不題名前有劉歆進書序謂子產卒後二十年而鄧
析死傳說或稱子產誅鄧析非也序後即接本書猶
見古式每半葉十一行行十五字樹字有關筆卷末
有朱文方印曰世美堂印又有長方朱文印曰魏國
文正公二十二代女疑爲震川先生配王夫人印記
震川文中有云居安亭時夫人嘗屬里媪訪求古書
也

商子五卷

舊鈔本

漢志稱商君隋志始稱商子皆載有二十九篇今篇
目有二十六與晁氏讀書志合而第十六第二十一
篇已有目無書此邑人馮知十所錄以宋本校過

卷首

有彥淵馮知十
讀書記二朱記

韓非子二十卷

校宋本

舊有注不題姓氏或曰李瓚此趙文毅與管子合刻
本有趙自序及王世貞序原出宋槧補和氏姦劫說
林六微等篇脫文而字句間多用他刻更定雖訂譌
不少已失宋本真面目顧澗贇氏先假得惠徵君臨
馮己蒼校本屬友人王小梧涓錄於是本馮本出葉
林宗校道藏秦季公本惠氏自有疏證語并錄上方

小梧亦有案語繼得道藏本覆勘又得述古堂影鈔
宋本覆校最後得乾道初黃三八郎槧本於陽城張
氏校勘畢事復以己意訂正之後來全椒吳氏覆刻
乾道本附識誤三卷於後此其藍本也宋槧本道藏
本於卷十一外儲說左上第三十二篇末較趙本衍
四行其文曰有相與訟者子產離之而毋得使通辭
到至其言以告而知也惠嗣公使人僞關市呵難之
因事關市以金關市乃舍之嗣公謂關市曰其時有
客過而予汝金因譴之關市大恐以嗣公爲明察顧
氏曰其辭與七術篇多複出兼有脫訛趙本削之是
也顧氏所校絕不專輒輕改亦不遷就宋刻漫無別
白其訂誤必精心剖辨依據確覈嘗謂人言校書何

難者以未嘗校故也如真欲校之便不爲是言矣

刑統賦解二卷

舊鈔本

題元左宣德郎律學博士傅霖撰東原郟韻釋益

都王亮增註有趙孟頫序案是書已見晁氏讀書志

則題爲元人者非郟下原闕一字其中解曰云云出

傅氏自註歌曰云云是郟氏韻釋增註曰云云出自

王氏敏求記謂延祐丙辰刻本者當卽是書惟後無

李方中韻釋耳舊爲倦圃藏書後歸海寧查氏邑中

張氏

卷首有曹溶樵李曹氏藏書印臣名
岐昌字曰藥師得樹樓藏書諸朱記

粗解刑統賦一卷

舊鈔本

題鄒人孟奎解前有至正壬辰自序及沈維時跋案

奎字文卿元至正間人所解皆淺顯易明令人便於

誦習其篇末總論兢兢於刑法之事知之匪艱而用之惟艱謂法律一定人情萬端一定之法不足以盡萬情故不可泥於紙上之法而不察斯民之情惟慎詳真偽使曲直輕重各得其宜民無枉濫斯為善矣使其恣一己之喜怒致斷者不復續死者不復生陰隲非輕報應甚速豈不哀哉其所以儆夫折獄者深矣世之司刑者當置此書於座右時為省覽也

父五經朱記

卷末有皇

刑統賦疏一卷舊鈔本

題沈仲緯氏撰有俞淖楊維楨序案仲緯未詳其名據鐵崖序謂為郡府掾其書取傅氏賦文而為之疏引据詳析疏後有直解彙括易曉解後有通例則取

當時罪案斷例以為左驗意主戒儆非泛作刑書也中有朱筆校改處間据元鈔本不詳何人所校是書諸家書目皆不載嚮藏郡中黃氏邑中張氏

右法家

農家類

齊民要術十卷校宋本

後魏賈思勰撰并序又葛祐之序華亭沈氏竹東書舍刻本較胡氏震亨刻本脫文脫字尤多桑柘篇中脫去一葉與胡本同陳子準氏以宋槧殘本一一校補案錢氏敏求記謂嘉靖湖湘本文注混淆首卷簡端周書曰神農之時天雨粟云云原係雙行夾注不當刊作大字今案宋本良然惜後四卷宋本亦闕不

獲校全然其佳處已不勝僕指矣卷首有邵彌藏書畫記朱記

農桑撮要二卷元刊本

元魯明善撰并序案元時官頒農桑撮要一書以齊民要術為藍本共分六門而卷末載歲用雜事猶略此本則分十二月令案時件繫詳言種殖斂藏之事足補輯要所未備卷中十一月修池塘一條謂宜於農隙之時填補塘岸令直中間要挑掘令深則聚水寬廣所以預備乾旱此真耕農要務也書初刻於延祐甲寅又刻於至順元年此其再刻本也

醫家類

新刊補註釋文黃帝內經素問十二卷元刊本

題啟元子次註林億孫奇高保衡等奉勅校正孫兆

重改誤啟元子唐太僕令王冰也文獻通考及郡齋讀書志作王冰

林億高保衡宋嘉祐中人隋全元起舊有注入卷佚其第七冰得其本為之補注億等既校正繆誤復增注二千餘條遂為完書有保衡進書表及冰序此至元刻本目錄後有原本二十四卷今併為一十二卷刊行卷末有墨圖記二行云至元己卯舊節古林書

堂新刊卷中有葉樹廉印石君樸學齋歸來草堂張氏壁甫諸朱記

新刻黃帝靈樞經十二卷元刊本

不著撰人晁氏讀書志曰王冰撰謂即漢志黃帝內經十八卷之九世謂王冰偽託又謂即唐志黃帝九靈經十二卷王冰更其名曰靈樞經此與素問同時刻本目錄後有至元己卯古林胡氏新刊一行卷一

後有墨圖記二行云至元庚辰菖節古林書堂印行
新刊王氏脈經十卷舊鈔本

晉王叔和撰并序又何大任後序案叔和高平人官
太醫令世傳叔和脈訣一卷與此不同乃偽作也是
編亦宋林億等校定前有億進書序末列高保衡孫
奇林億銜名宋紹聖嘉定俱有刻本此本目錄後有
天曆庚午歲廣勤葉氏刊一行蓋從元刻本鈔出

劉涓子鬼遺方五卷宋刊本

齊龔慶宣編案唐志有龔慶宣劉涓子男方十卷書
錄解題有劉涓子神仙遺論十卷東蜀刺史李頤錄
當別一書也此本首有永明元年自序其述涓子得
書之由在晉末用兵丹陽時語涉神異已載錢氏敏

求記又云涓子姊適余從祖叔涓子寄姊書敘此事
并方一卷方是丹陽白薄紙本寫今手跡尚存從家
世能為治方祕而不傳至孫道慶臨終見語家有神
方兒子幼稚欲以相傳遂受而不辭自得此方於今
五載所治皆愈劉氏草寫多無次第今輒定其前後
族類相從為此一部流布鄉曲又道慶云此鬼方舅
祖涓子兄弟自寫稱云無紙而用丹陽錄永和十九
年資財不薄豈復無紙是以此別之耳每半葉十三
行行廿三字板心但一鬼字字體肅穆紙質堅韌異
常全書無宋諱字疑出五代宋初所刻敏求記曰此
書極為奇祕收藏家罕見之然遵王所藏是宋鈔本
此則古刻尤足珍也

卷首有汪士
鐘藏朱記

巢氏諸病源候總論五十卷

明刊本

隋太醫博士巢元方等奉詔撰有宋綬序陳氏書錄云千金方諸論多本是書宋制每用以課試醫士也

此明王民主一齋刊本

孫真人備急千金要方三十卷

元刊本

唐孫思邈撰前列高保衡等進書序遇明聖主上等字俱跳行當仍宋刻舊式也原書與千金翼方三十卷本各單行後人合併之又離析卷帙為九十三卷失古本之真矣此猶三十卷之舊與晁陳二家書目及敏求記所述悉合

廣成先生玉函經一卷

宋刊本

題傳真天師特進檢校太傅太子賓客主管大學士

戶部侍郎徽國廣成杜光庭撰盱江水月黎民壽註前有自序每半葉十一行行廿一字板刻不工殆宋末麻沙本後有黃氏丕烈跋云錢氏敏求記有杜光庭了證歌一卷云光庭謹傍難經各推了證歌為之以決生死宋高氏為之注東越伍捷又為之補注此書自序則云謹傍難經略依決證迺成生死歌訣一門實是一書惟注本不同故更其名耳黎注中引王德膚易簡方謂宋人王碩也知民壽亦為宋人矣卷末有沈辨之氏朱記

太平聖惠方三卷

鈔殘本

宋王懷隱鄭彥等奉詔編校原書一百卷全本久佚此黃文琴六從宋槧殘本寫出僅存眼齒二門可謂

吉光片羽矣書中九字俱作圓宋諱桓字嫌名也

銅人腧穴鍼灸圖經三卷

舊鈔本

太平不著撰人名氏晁氏讀書志謂皇朝王惟德撰玉海

謂王惟一未詳孰是此明人鈔本猶存三卷之舊後

有析為七卷者失天聖舊本之第矣有正統御製序

新刊華佗元門脈訣內照圖二卷

明刊本

題華佗編集後有序云圖左之註宋人楊介撰成化

初閣老彭文憲於祕籍中抄得出以見授蘭家世以

醫行淮南先伯子院判德明府君與蘭獲列官於朝

供奉御局者三十餘年獲益於是書不少因命二子

本棐重加校定梓之是作序者名蘭因序末一葉已

失其姓不可知矣

傷寒必用運氣全書十卷

明刊本

是書前三卷錄劉溫舒運氣圖論以下錄廣平程德

齋運氣起例歌括以及鈐法方藥總名運氣全書亦

熊宗立編有序卷末有成化二十二年春正月既望

奉勅督河南學政按察司僉事江浦石淮校刊二行

經史證類大觀本草三十一卷附本草衍義二十卷

金刊本

宋唐慎微撰是本卷數與書錄解題合郡齋讀書志

及玉海俱作三十二卷合目錄并數也金泰和中晦

明軒所刻并為三十卷已改大觀舊第此本未經竄

亂卷首有艾晟序後有墨圖記云經史證類大本

草三十一卷附本草衍義二十卷貞祐二年嵩州福

昌孫夏氏書籍鋪印行考金宣宗貞祐二年乃宋寧

宗嘉定七年每半葉十二行行二十字後來元大德
王寅宗文書院刊本當卽從此本出而明萬曆丁丑
本又依元本刊也本草衍義文獻通考作廣義其卷
數同書錄解題作十卷與此本不合每卷有錢氏
家藏朱記
太平惠民和劑局方十卷附指南總論二卷元刊本

此書首列進書表末題將仕郎措置藥局檢閱方書
陳承奉議郎守太醫令兼措置藥局檢閱方書裴宗
元朝奉郎守尙書庫部郎中提轄措置藥局陳師文
謹上三行凡十四門七百七十八方與陳氏書錄及
玉海作五卷爲二十一門二百九十七方不合蓋陳
氏王氏所載爲師文原本此則紹興以後增修本也
文獻通考作十卷殆卽此本矣目錄後有建安宗文

書堂鄭天澤新刊一行曝書亭所藏竹垞氏有跋者
爲建安高氏日新堂刊本同爲元刻別一本也近時
邑中張氏刊入學津討原者得同里陳氏舊鈔本多
增廣二字而脫落處甚夥今以張本校之如卷一五
脾湯下脫壽星圓左經圓活絡丹七生圓川芎茶調
散乳香趁痛散黑龍圓七方乳香宣經圓下脫換腿
圓大聖保命丹四生圓輕腳圓大防風丹經進地仙
丹伏虎丹烏藥順氣散祕方換腿圓左經圓木瓜圓
追風應痛圓磁石圓胡麻散十四方卷三順氣木香
散下脫和氣散一方卷八槐角圓下脫勝金圓一方
何首烏散下脫樺皮散一方玉龍膏下脫花藥石散
一方及五行八卦之圖導滯散下脫如聖散檳榔散

二方神効當歸膏下脫膩粉膏一方烏蛇膏下脫槐
白皮膏一方補損當歸散下脫復元通氣散一方卷
九澤蘭圓下脫鍾乳澤蘭圓一方吳茱萸湯下脫伏
龍肝散一方牡丹煎圓下脫椒紅圓一方白薇圓下
脫小白薇圓紫石英圓四物湯陽起石丸白朮散五
方保生丸下脫榆白皮散當歸丸當歸建中湯大通
眞圓四方催生丹下脫芎藭湯蒲黃散當歸散牛膝
湯四順理中圓漏蘆散大聖散七方油煎散下脫滋
血湯烏金散暖宮圓琥珀澤蘭圓四方安胎飲下脫
神仙聚寶丹洗洗圓人參鼈甲圓濟危上丹四方南
嶽魏夫人濟陰丹下脫琥珀黑散滑胎枳殼散茂香
散竹茹湯四方琥珀圓下脫鮫血圓內炙散烏雞煎

丸三方白聖丹下脫暖宮丸滋血湯安胎飲益陰丹
妙應丹五方牡丹散下脫紅花當歸散烏金散艾煎
圓當歸芍藥散調經散五方黑龍散下脫人參當歸
散一方當歸養血圓下脫四神散當歸黃芪湯神授
散小地黃丸交感地黃煎丸加減吳茱萸湯熟乾地
黃湯七方增損四物湯條須日進黑神散三服下脫
二百廿九字文多不備錄猪蹄方下產前將護法上
此本有入月安產圖體玄子借地法禁草法禁水法
共文二十一行張本皆脫催生符下有推婦人行年
法逐日產母生子宜向方逐月產母生子忌向方藏
胎衣吉方逐日日游神五條共二葉張本亦脫卷十
太一銀朱丹下脫軟金丹一方至聖丹下脫定吐救

生丹一方五疳保童圓下脫熊膽圓一方虎睛圓下
脫天麻防風圓一方香連圓下脫紫霜圓一方沒食
子圓下脫水銀礪圓子一方惺惺散下脫人參羌活
散辰砂金箔散消毒散人參散生犀散五方朱砂圓
下脫蘆薈圓和中散人參半夏圓辰砂半夏圓丁香
散六神丹六方肥兒圓下脫至聖保命丹一方人參
圓下脫溫脾散一方白豆蔻散下脫當歸丸一方豆
蔻香連圓下脫木香白朮散一方赤石脂散下脫檳
墨散半夏散二方朱礬散下脫紫蘇子散犀角人參
散二方鎮心至寶丹下脫小黃連阿膠圓一方麥煎
散下脫辰砂茯神膏一方祕傳神仙消痞圓下脫小
駐車圓一方銀白散下脫蝦蟇圓一方玉眞湯下脫

薄荷湯紫蘇湯二方二宜湯下脫厚朴湯一方仙朮
湯下脫杏霜湯生薑湯益智湯三方茴香湯共二方
其後一方脫縮砂湯下脫胡椒湯一方此皆張本之
脫誤惜未依此本刻之也書中丸字或作圓猶宋本
之舊未附指南總論二卷題勅授太醫助教前差充
四川總領所檢察惠民局許洪編張氏所未刻者乃
訛以圖經本草一種爲用藥總論尤失之也

重校證活人書十八卷

影鈔
宋本

宋朱肱撰并序前有進書表謝表謝啟案書錄解題
云肱字翼中吳興人祕丞臨之子中書舍人服之弟
登進士科以張仲景傷寒方論各以類聚爲之問答
本號無求子傷寒百問方武夷張藏作序易此名晁

氏讀書志所載亦合惟作二十卷文獻通考亦作二十卷惟書錄解題此本同而此本進書表中亦云二十卷刻時當有刪併故少二卷也政和八年刊於杭州大隱坊每半葉八行行十五字嚮藏邑中孫氏卷中有天真閣朱記

史載之方二卷影鈔宋本

此書不題名亦無序目自郡齋讀書志以下皆未著錄郡中黃復翁得之石豕嚴氏此卽從之過錄者也載之名不甚著其始末無攷惟據復翁跋稱宋稗類鈔載眉州朱師古得異疾趨郡謁史載之宋時眉州屬成都府是載之爲成都人也書錄解題載指南方二卷蜀人史堪載之撰卷數雖同書名則異不知卽此書否然稱爲蜀人與宋稗類鈔合其非二人可知

是載之名堪也而阮文達提要謂字里未詳蓋誤認載之爲名矣北窗炙輠錄載載之療蔡元長疾元長熙寧三年進士靖康中貶死是載之爲神宗後人也其大略可見者如此案載之療元長大腸祕因市紫苑以進須臾遂通此書大府祕門正有用紫苑一方而師古異疾載之名爲食掛謂出素問製藥服之三日頓愈宋稗類鈔不言所用何藥此書亦無食掛方論蓋載之所著當不止此或在解題所稱指南方中而此書之非卽指南又可想見也書中吳戍驚微等字皆減筆而完丸等不避欽宗嫌名蓋刻於靖康以前復翁定爲北宋精槧不誣也

傷寒治驗九十論一卷舊鈔本

宋許叔微撰每證各系以論凡九十篇原書名傷寒論郡人劉大生校錄增治驗字大生不知何時人

張仲景註解傷寒百證歌五卷附傷寒發微論二卷元刊本

題許叔微述叔微字知可真州人紹興二年進士是書乃述張仲景之意而申言之刻者遂誤加張仲景註解五字於書名以致難通知可有類證普濟本事方著錄 四庫而此二書不載朱國楨湧幢小品記知可所作諸書中有擬傷寒歌三卷凡百篇當卽是書惟誤五卷爲三卷又有翼傷寒論二卷疑卽發微論見敏求記惜原序殘闕不知何人校刻卷首有張君服私印

朱

幼幼新書四十卷明刊本

此書見陳氏書錄題直龍圖閣知潭州劉昉方明撰集刊未畢而卒徐壽卿以漕攝郡趨成之舊有紹興二十年門人左迪功郎潭州湘潭縣尉主管學事李庚序及左迪功郎新差江陵府司戶參軍石才孺後序案李序謂劉公患小兒疾苦世無良醫悉取古方及已試祕方命王歷義道王混子是編其書石序謂總四十卷旣成三十八卷而疾不起四明樓公繼其政亟訖其事併後二卷爲一卷復纂歷代所述求子方論爲一卷冠諸首與直齋所紀差異是本爲明萬曆間吳郡陳履端編訂履端業醫嘗於雲間顧研山所購得宋刻本闕三卷復於歙程大綱家鈔得略加刪節刻之有履端自序及王世貞劉鳳張應文序

王問卿余然後序

洪氏集驗方五卷

宋刊本

不題名後有跋云古集驗方五卷皆余平生用之有著驗或雖未及用而傳聞之審者刻之姑孰與眾共之乾道庚寅十二月十日番陽洪遵書每半葉九行行十六字九字避諱俱作圓後有鮮于樞題詩云賢人留意濟斯民學仕之餘未捨勤猶訪醫方治疾病豈因富貴墮心身迺知後世家風遠想見當年德業新愧我長貧仍懶惰不能望見屬車塵其書以淳熙七八兩年官冊紙背所印中鈐官印惜不可識後有

黃蕘圃顧澗蕢跋

卷首有玉蘭堂竹塢季振宜滄葦諸朱記

醫經正本書一卷

舊鈔本

宋程迥撰并序又陳言跋此書見書錄解題凡十四篇專辨傷寒疫疾並無傳染以救薄俗骨肉相棄絕之弊并及唐宋醫政與夫權量脈診湯滾方論贊其是而紕其否謂之正本者以本正則邪說不能搖也

傷寒補亡論一卷

舊鈔本

題河南郭雍撰案雍字子和隱居峽州號白雲先生乾道中徵召不起賜號冲晦處士是編述諸家論仲景傷寒治法以補舊論所未及故曰補亡各家書目俱未載

衛生家寶產科備要八卷

宋刊本

宋朱端章編是書集諸家產科經驗方成帙首列入月產圖中有借地禁草禁水逐月安產法書錄解題

所載產寶諸方一卷以十二月產圖冠之疑卽此書也卷第四李師聖編論郭稽中附方疑卽直齋書錄所載產育保慶集一卷也卷第六許學士產科方當謂紹興中許叔微其餘雜采諸家方論甚備諸家書目俱不載惟見錢氏敏求記目錄後有翰林醫學差充南康軍駐泊張永校勘一行卷末有自記三行云長樂朱端章以所藏諸家產科經驗方編成八卷刻版南康郡齋淳熙甲辰歲十二月初十日云云每半葉九行行十五字書中遇轅懸字俱減筆丸皆作圓敏求記所謂楮墨精好可愛者今又歷二百餘載依然如故可寶也

卷中有孟洪西澗草堂孫氏禹九家藏諸朱記

新編近時十便良方十卷

宋刊殘本

不著撰人前有慶元乙卯汾陽博濟堂序略謂紹熙辛亥東南漕使孫公稽仲有所集方書一編目曰大衍惜其太略於是徧搜方論摘其簡而至切迅而不暴與時運相宜者以附益公之不足所謂十便者藥材止六十四種易於儲蓄一便也世所常用無難致之物二便也各市少許置藥籠中不妨行李帶挈三便也古今方論安能一一討尋今惟取必效之方不勞徧閱四便也凡有病卽有方有方卽有藥不致倉皇失措五便也治疾如救焚此書用藥簡當而和劑不勞六便也或宦遊僻縣地少醫藥緩急有以支梧七便也行旅野宿猝有不虞之證不致坐困八便也深山窮谷去城市遠卽得應用九便也仁人君子於

困窮疾病欲探囊施與無方藥不備之歎十便也原
書四十卷今存卷十一至十七卷二十一至二十二
凡十卷卷首有古今方論總目所引古方凡六十六
種未有墨圖記云萬卷堂作十三行大字刊行庶便
檢用請詳鑿十八字又有總類一卷標用藥治疾之
目目錄一卷標藥名方名之目每半葉十三行行廿
二字

醫說十卷 明刊本

宋張杲集山陰諸葛興序時嘉靖間南衡童某刻於
晉有東黃張子立序印臺傅某復刻於秦有西京許
宗魯序案此書首以歷代名醫次以醫書本草診法
及神醫神方周身諸病皆引類垂法指實著效醫學

之指南也舊為汪秀峰藏本 卷首有開萬樓藏書朱記

鍼灸資生經七卷 元刊本

不著撰人案嘉定庚辰徐正卿序謂東嘉王叔權作
則亦宋時人也目錄前有廣勤書堂刊一行其第一
卷專論人身諸穴第二卷以下列鍼灸諸法其銅人
圖式非獨正背兼具側形考唐志有黃帝十二經偃
側人圖十二卷此或其遺法歟 卷首有范文安藏書
張履和印二朱記

傷寒要旨方一卷 舊鈔本

題當塗李樾與幾編輯此書見陳氏書錄謂列方於
前而類證於後皆不外仲景原書為二卷名傷寒要
旨無方字此為明沈子祿承之氏重訂前有補類數
條及附方皆其所增沈亦一良醫也 前後有子祿沈
承之家藏書沈

鶴泉諸
朱記

新雕圖解素問要旨論八卷影鈔元本

題劉守真撰馬宗素重編有自序宗素序序後有刊
書人題記云今求到河間劉守真先生親傳的本仍
請明醫之士精加校定云云宗素洪洞人亦習醫術
守真弟子也

劉河間傷寒直格三卷後集一卷續集一卷別集一卷元刊本

題金劉完素撰臨川葛雍輯其論傷寒一門為此書
附以劉洪傷寒心要為後集馬宗素傷寒醫鑒為續
集張子和心鏡第三卷為別集是本與錢遵王讀書
敏求記所載合卷首有無名氏序序後有墨圖記一

行云臨川葛雍校正建安虞氏刊行而目錄前又有
圖記五行云傷寒方論自漢長沙張仲景之後惟前
金河間劉守真深究厥旨著為傷寒直格一書誠有
益於世今求到江北善本迺臨川葛仲穆編校敬刻
梓行嘉與天下衛生君子共之歲次癸丑仲冬如仙
陳氏書堂刊據此則是本當從建安本出而歲次癸
丑乃元仁宗皇慶二年也卷首有錢氏仲實朱記

病機氣宜保命集三卷明刊本

題劉守真撰李時珍辨為金張元素之書見本草綱
目序例中凡分三十二門論議精要次及處方用藥
之法金末楊威初刊行之此明初寧藩刻本原序已
闕

此事難知二卷

元刊本

不著撰人名氏前有至大元年王好古序知述其師李東垣緒論也今東垣十書中亦列入是編其實出好古哀輯非東垣自撰也

鍼灸四書八卷

舊鈔本

元竇桂芳編并序案桂芳字靜齋建寧人漢卿之子父子皆隱於醫四書者一為金閻明廣子午流注鍼經三卷首冠以何若愚流注指微鍼賦而為之注有閻明廣序一為宋竇傑鍼經指南一卷有朱良能序傑亦字漢卿與桂芳父同字合肥人仕至太師時有兩竇漢卿皆以醫學顯者桂芳得其書合刻之并序以家藏黃帝明堂灸經三卷有無名氏序宋莊綽灸

膏肓腧穴法一卷有自序合而編之目為鍼灸四書序日後有墨圖記二行曰至大辛亥春月燕山活濟堂刊活濟竇氏藥室名游達齋親書以贈見桂芳自序是本從元刊影寫嚮藏愛日精廬張氏

衛生寶鑑二十四卷補遺一卷

明刊本

元羅天益撰案天益字謙甫藁城人學醫於東垣李氏源流於易水張氏以兩家之言集錄詮次而成書卷一至三曰藥誤永鑑者知前車之覆戒後人勿蹈之也卷四至二十曰名方類集者古今之方擇之已精備錄之使後人有所據依也卷二十一曰藥類法象者氣味厚薄各有所用證治增損欲後人信之也曰醫驗紀述者藥準夫病效始隨之欲後人慎之也

補遺一卷多述仲景治內傷外感經驗方并中暑方
迺刊時補入非謙甫作也有鄭城硯堅題首天益上
東垣啟及王惲胡廣楊榮金幼孜蔣用文等序又無
名氏補遺序韓夷刊板跋是書見文淵閣書目焦氏
經籍志
本草元命苞九卷舊鈔本
元尚從善撰并序案從善字仲良自署銜名為御診
太醫宣受成全郎上都惠民司提點元時設立醫官
考試出題以素難為經疑仲景為治法本草為藥性
仲良以唐慎微所著全書藥品有一千八十二種之
多學者不能遍識迺摭其切於用者四百六十八品
論說簡要編成九卷刻於至順中前有至元三年平

江路常熟州知州班惟志敘又馮子振序諸家書目
皆不載惟見錢遵王敏求記是本明人所鈔僅存殘
帙士禮居黃氏以周香巖藏本補足卷首有周子
祿氏朱記

瑞竹堂經驗方十五卷明刊本

元薩里彌實撰全書分十五門卷一諸風門卷二心
氣痛門卷三小兒疝氣門卷四積滯門卷五痰飲門
卷六喘嗽門卷七羨補門卷八瀉痢門卷九頭面口
眼耳鼻門卷十髮齒門卷十一咽喉門卷十二雜治
門卷十三瘡腫門卷十四婦人門卷十五小兒門與
明文淵閣書目所載合別本有作五卷者文多殘闕
分類亦不合此其原書足本也前有王都中吳澂序
後有跋云鄭方伯志道刻於蜀中末葉已闕失其名

泰定養生主論十六卷

明刊本

題元洞虛子王中陽撰并序案中陽名珪字均章自號中陽老人吳人中歲棄官隱於虞山下此書取莊子宇泰定者發乎天元及養生主之義故首曰原心次論婚合孕育嬰幼童壯衰老宣攝避忌次論運氣標本陰陽脉病證治然後類方對證以備采用終以古今明訓二道日省一篇以為攝生要法至元中有刻本有段天祐徐繁序楊易跋正德間兵部郎中冒鸞重刊有跋

世醫得效方二十卷

元刊本

元危亦林撰以先世相傳經驗之方分十三科錄之後附孫真人養生法一卷有自序及王充耘序至正

五年建寧路官醫提領陳志刊有序又有太醫院題識云南豐危亦林世醫得效方編次有法科目無遺江西提舉司校正之牒上於院下諸路提舉司重校之復白于院院之長貳僚屬皆曰善付其屬俾繡梓焉云云後列太醫院官二十三人銜名掾史一人其檢校詳慎可知

新編西方子明堂灸經八卷

元刊本

不題撰人姓名西方子亦無考目錄前有熊氏衛生堂重刊一行卷一列正人頭面圖智膺圖腹肚圖卷二卷三正人手圖足圖卷四伏人頭圖卷五卷六伏人手圖足圖卷七側人頭頸圖脇圖手圖卷八足圖各詳其穴處論可灸不可灸較銅人鍼灸經為備

四庫著錄為山西平陽府本與銅人鍼灸經合刻是本乃元槧之精好者出曝書亭舊藏卷首有彝尊曝書亭藏書二朱

記

右醫家一詩卷一賦五人應面圖會韻圖與韻圖

本學醫人技各西式平本無書目錄前序與凡論

海關西式平四堂參錄入本

錄外精則可賦

講注之錄因太醫訓官二十三入海洋雜史一人

志野自干則訓之是友對風皆曰善於其韻轉辭

論云前登款衣林世醫傳終衣賦大官若持目無

鐵琴銅劍樓藏書目錄卷第十四終

鐵琴銅劍樓藏書目錄卷第十五

常熟瞿氏鏞子雍

子部三谷谷百圖圖谷百篇篇補奉錄對錄香未藥本

天文算法類

周髀算經二卷音義一卷附數術記遺一卷舊鈔本

舊題趙君卿注甄鸞重述李淳風釋音義題李籍撰

後附數術記遺題徐岳撰仇鸞注周髀即古蓋天之

學今之西法實出於是數術記遺唐代選舉於九章

五曹之外兼習之雖世皆疑其偽託要之流傳已久

矣惟輾轉傳鈔譌舛不少此猶舊本有君卿自序及

鮑澣之序跋案跋語過國家及中興字樣俱跳行頂

天文格知此本從宋槧傳錄也

天文大象賦一卷

舊鈔本

隋李播撰苗為注舊題張衡撰唐志崇文總目通志藝文略俱作李播播仕隋高祖時棄官為道士顧澗翁据賦末有少微之養寂云云定為播撰自不誣也舊為孫氏之騷鈔藏本後有澗翁跋邑人吳頊儒氏依之傳錄

新儀象法要三卷

影鈔宋本

宋蘇頌撰是書為重修渾儀而作始於元祐間成於紹聖中故遂初堂書目謂為紹聖儀象法要首列進書狀卷各有圖圖各有說當時奉敕撰進者宋槧本卷末有乾道壬辰九月九日吳興施元之刻本於三衢坐嘯齋兩行元之字德初即注蘇詩行世者此相

傳影摹本圖樣界畫不爽毫髮不減遵王氏藏本也

銅壺漏箭制度一卷

影鈔宋本

是書文淵閣書目著錄不著撰人名氏卷首列李龍眠序其次為刻漏圖式又次列十二節上箭下箭獨用同用之分較新儀象法要為密卷末載王荆公明州新刻漏銘許克昌明州新造蓮華刻漏記及銘最後為淳祐丁未顏頤仲跋案許記顏跋知明州譙門舊有水稱則晝夜漏之長歲久剝敝紹興末太常伯韓仲通為郡守得吳人祝岷迹古制冶銅為蓮花漏及淳熙丁未龍溪顏頤仲繼為郡守既修復之復取李龍眠韓仲通兩家刻漏之製並授之梓卷末有清源免解進士魏國鈞校正一行

卷首有上禮居臧黃印丕烈堯圃諸朱記

準齋心製几漏圖式一卷

影鈔宋本

宋孫逢古撰并序逢古創為小壺分二十五箭按時而用以正晷刻可置坐隅故曰几漏因繪箭式而刻之曾著錄文淵閣書目是本與銅壺漏箭製度合裝一冊郡中黃氏舊藏堯翁有跋

卷首有士禮居臧朱記

大宋寶祐四年丙辰歲會天萬年具注曆一卷

舊鈔本

此宋寶祐四年歲在丙辰之曆書卷末題諸人算造具注頒行者曰寶祐三年十月日保章正充同知算造兼主管文德殿鐘鼓院判執禮靈臺郎充同知算造楊旂靈臺郎兼主管測驗渾刻漏所相師堯換授保章正充同知算造譚玉靈臺郎判太史局批點曆書鄧宗文李輔卿秀水朱氏跋云南渡後自統元至

會天曆名凡七改惟會天史稱闕其法試由此編推之亦可忖測而知舊為崑山含經堂徐氏所藏竹垞老人錄副以傳此本卷末有朱筆題識云乾隆丙午從江鄭堂處鈔錄復比較一過秋厓衡記案秋厓姓朱名邦衡余仲林高弟也

卷末有秋厓朱記

乾象通鑑一百卷

舊鈔本

宋李季撰卷首有自序曰臣季著為成書不遠萬里赴行在獻之錢遵王氏謂當是宋高宗時然案卷末自署河間府免解進士李季奉聖旨編河間至臨安不當云萬里也其援引廣博推驗精詳得未曾有且所引逸書頗夥尤為藝林之淵海外間傳本絕稀此猶出錢氏藏本所鈔傳者嚮藏郡中汪氏

卷首有汪士鐘印平

陽汪氏藏書
印二朱記

同回曆法一卷明刊本

是書卷首有洪武辛亥吳伯宗序下接回回曆法釋例凡六條曰釋用數例曰釋回回曆法積年曰釋宮分日數曰釋月分大小及本音名號曰釋七曜數及本音名號曰釋閏法以下為七政經緯度法案回回積年以阿刺必年為曆元當中國隋開皇十九年己未之歲其所紀月名如第一月大名法而幹而丁第二月小名阿而的必喜世第三月大名虎而達第四月小名提而第五月大名木而達第六月小名沙舍列幹而第七月大名列黑而第八月小名阿班第九月大名阿咱而第十月小名答亦第十一月大名八

哈慢第十二月小名亦思番達而麻的登諸紀載亦足廣異聞也

右推步

五曹算經五卷影鈔宋本

題唐朝議大夫行太史令上輕車都尉臣李淳風等奉敕注釋案唐書藝文志有李淳風注五曹孫子等算經故秀水朱氏跋云相傳其法出於孫武也此書傳本絕稀四庫著錄本鈔自永樂大典此猶出自宋槧卷末有祕書省三字一行又一行云五曹算經一部共一冊又三行列校勘呈進諸臣云元豐七年九月日校定降授宣德郎祕書省校書郎臣葉祖洽上進校定承議郎行祕書省校書郎臣王仲修校定

朝奉郎行祕書省校書郎臣錢長卿又末葉三行列
督刊諸臣云奉議郎守祕書丞臣韓宗古朝請郎試
祕書少監臣孫覺降授朝散郎試祕書監臣趙彥若
每半葉九行行十八字

緝古算經一卷

影鈔
宋本

題唐通直郎太史丞王孝通撰并注其推算分二十
術析及毫芒讀者不能遽通故唐代立算學習此書
者以三年為限其書與五曹算經同時刻者卷末校
定上進督刊諸人結銜姓氏皆同此即毛斧季氏得
之章邱李氏影鈔以傳者也

數書九章十八卷

舊鈔
本

宋秦九韶撰并序其書分九類以明實用故曰九章

非舊所謂九章也第一大衍術中詳言立天元一法
推明數術之原所謂即形上之義以通形下之數李
氏測圓海鏡所言即本之其實西法亦出於此至
國朝梅氏而始宣其蘊則是書為算家最精微之作
四庫著錄本從永樂大典錄出此本卷末有趙清
常跋云數書九章十八卷宋淳祐間魯郡秦九韶撰
會稽王應遴堇父借閱鈔本而錄也予轉假錄之原
無日子為增入之時萬曆十五年新正五日清常道
人趙琦美記

右算書

術數類

太玄集注六卷太玄解四卷附太玄曆一卷

宋鈔
本

集注題涑水司馬光解題襄陵許翰注曆附解後不
著撰人姓名集注首冠溫公讀立一篇解未有跋云
右十一篇解附以釋文出許翰音考曰王卽唐王涯
陳卽近世陳漸著演立吳卽吳祕作音義郭卽郭元
亨作疏丁卽丁謂許卽許昂章卽章詒黃卽黃伯思
林卽林瑀本云曆未有跋云右許翰傳太立曆出溫
公手錄經後不著誰作本疑準賁沈準觀翰更定爲
觀爲歸妹云案此書世不經見是本相傳爲南宋人
所寫書法勁正前明名人珍藏印記纍纍每半葉八
行行十七字注每行廿四字宋諱貞敬字皆闕筆卷
末有題識云弘治乙卯臘月葑溪邢參觀於臬橋唐
伯虎家又有題云此本舊藏唐子畏家後以贈錢君

同變更無副本惟賴此傳誦耳錢君幸珍藏之丁巳
冬徐禎卿識又有題云吳燿錢澈周芝補遺長洲陸
延芝陸灼校訂崇禎丙子張丑敬觀近爲郡人黃復
翁所得潢治成冊有錢宮詹題跋云溫公集注太元
六卷見於宋藝文志而世罕傳本至許崧老之元解
則宋志無之惟直齋所錄與此本正同崧老本續溫
公而作而卷第相承蓋用韓康伯注易之例太元曆
不著撰人許氏云出溫公手錄則溫公以前已有之
其以六十卦配節氣不及坎離震兌者京氏六日七
分法四正爲方伯不在直日之例也此本字畫古朴
又多避宋諱缺筆相傳爲南宋人所鈔明中葉唐子
畏及吾家孔周先後藏弄一時名士多有題識好事

者誇為枕中之祕去冬雲濤舍人始購得之招余審定歎其絕佳越明春借讀畢因題時癸丑二月廿七日錢大昕又唐陶山觀察題云右太元注并解宋鈔凡十冊因籍一大紳家得之以觸京廟諱字特多不進內府考明時藏吾家六如家余當弄之然仕於州縣不解藏書而蕘圃主政精考訂且曾見此書時時念之因舉以相贈亦以其舊藏吳中今仍置之皋橋吳趨間抑亦吾家六如所心許也買積還珠吾無悔焉主政其善寶之嘉慶六年九月既望陶山唐仲冕識卷首尾有吳氏家藏吳寬原博匏翁徵仲啟南石田張丑之印王騰程印王元齊印諸朱記

太玄經十卷 明刊本

漢揚雄撰晉范望解贊舊有宋衷解詁陸續釋文范氏合二家注勒成一編後有玄圖分畫四重卷端列陸續述玄後有王涯說玄五篇又釋文一卷不著撰人通志謂林瑀所撰此明萬玉堂依宋槧本重雕故玄貞字有減筆卷末有海虞周潮書五字

元包經傳五卷附元包數總義二卷 明刊本

後周衛元嵩撰唐蘇源明傳李江注宋韋漢卿釋音其總義則張行成所補撰也是書效太玄而作蘇李言其理張氏則主數紹興中張洸合釋音與疏義刻之明人覆板一仍其舊較毛氏刻自勝有楊楫序張洸跋

潛虛一卷潛虛發微論一卷 影鈔宋本

題宋太師溫國公司馬光撰其發微論題左朝奉郎
御史張敦實撰昔人見溫公所作潛虛遺墨俱有關
文疑爲未成之書此本完善無闕卽朱子所見泉州
本日爲贗本也然當時建陽邵武俱有刻本邵武惟
缺繇辭此迺泉州教授陳應行乞諸公會孫溫陵守
某得家藏全本合張氏發微論以刊者云繇辭悉備
豈溫公後人所增入者歟抑張氏作發微論時爲之
補全耶古人作一書經後人拾遺訂墜者恆多何獨
於潛虛而議之也後有應行跋舊爲錢遵王藏書繼
歸泰興季氏卷首有虞山錢曾遵王藏書安樂堂藏書季振宜印滄葦諸朱記
天原發微五卷明刊本
宋鮑雲龍撰并序又方回鮑宣戴表元序雲龍嘗與

同里方回辨論往復故有問答一卷舊有元元貞間
刻本明天順間同里鮑宣加以辨正重刻之目錄後
有墨圖記云天順辛巳歙西鮑氏耕讀書堂

右數學

唐開元占經一百二十卷舊鈔本

唐瞿曇悉達奉敕撰所言皆占驗之法援引緯書有
七十餘種之多其他所引古書如五經通義黃帝用
兵要太公金匱太公兵法甘石星經王隱晉書之類
今皆亡逸猶藉是書考見崖略零璣碎璧致足珍也
有張一熙跋

譙子五行誌五卷舊鈔本

不著撰人名氏案唐志及崇文總目謂唐時濮陽夏

撰其書分木火土金水五行應四時以編次首舉天文下及物類卽象以推休咎覲縷詳悉錢遵王氏謂此等書惜不多傳於世也

乙巳占九卷

舊鈔本

唐李淳風撰并序此與陳氏書錄錢氏敏求記所載悉合惟闕末風氣一卷其曰乙巳者陳氏謂從上元乙巳起算故以名焉

卷首有得此書費辛苦後之人其鑒我仲魚圖象二朱記

右占候

葬書集注一卷

明刊本

題草廬先生吳文正公澂刪定後學金華元默生鄭謚注釋前有文正敘錄謂內外八篇雜篇二凡一千二百四十六字倫類精矣蓋以蔡季通所刪二十篇

之本而重定者鄭謚字彥淵北山先生忠愍公七世孫自號元默居士又有洪武五年宋濂序又眉山蘇伯衡金華胡翰金信後序附趙東山葬書問對一篇未有弘治十一年新安程敏政序仁和江瀾跋臨川道人題詩新安謝子期後跋是書卽子期所刻見錢氏讀書敏求記

地里新書十五卷

影鈔金本

題王洙奉敕刪修此宅經葬書之最詳備者自唐迄宋皆編輯頒行增加圖解晁氏讀書志題僧一行撰作三十卷此本乃畢履道校補闕遺考覈無譌以成善本刊於金明昌間前有履道及張謙王洙三序洙序有注徵引頗博且序末附音義疑皆履道所撰也

書分三十七門其中五姓所屬一門於司商協民性之旨頗能推闡無遺履道自序云發揮經義注釋禮文歲餘方畢以俟同道之能者其非妄作可知矣舊本流傳影寫甚精為近時各家書目所未載

天寶至寶經一卷金函經一卷穴法賦一卷雪心賦一卷舊鈔本

竝不著撰人姓氏惟天寶至寶經有序序為贛郡曾武文展撰自稱得師茂叔先生祕法其龍法曰天寶其穴法曰至寶各化五五篇詩逐一解明然則是書為武撰無疑矣雪心賦後又雜論干支年月日時竅局并附以口訣最後為吉郡方旦子輝跋據跋語云予與文展先生盡半生教養之禮舍所學而學焉則

且亦同時地理家也是本出邑中毛氏舊鈔卷末有汲古閣

毛展之印斧季諸朱記

天機望龍經一卷舊鈔本

題宋雲水山人吳景鸞祕授廖金精筆記堪輿黃明壑參補案景鸞為克誠子術家相傳克誠於宋慶曆間為司天監以論山陵事下獄遇赦削髮於白雲山洞以遺書授女其女轉授諸金精山人廖瑀然則吳廖故有淵源也是本亦毛氏舊鈔與天機扒砂經合

裝一冊卷尾有汲古閣毛展之印斧季諸朱記

天機扒砂經一卷舊鈔本

題堪輿地仙廖金精著豐城黃明壑集補其卷一至四已佚僅存第五卷案堪輿家以楊曾廖賴竝稱而

金精所著此外尚有葬法心印一卷見敏求記九星
穴法四卷見四庫書目

劉氏心法一卷楊公騎龍穴一卷舊鈔本

劉氏卽邢州劉秉忠著有平尺玉砂經者楊公名益
字筠松著有撼龍經者後有曾公後論一篇案贛郡
諸曾皆習地理家言其名求己文迪者見理氣心印
進書表名武字文展者見天寶至寶經序此曾公未
詳何人也是本亦出毛氏舊鈔

右相宅相墓

靈棋經二卷明刊本

不著撰人名氏舊有晉顏幼明宋何承天注元陳師
凱明劉基解案是書乃古占法合於易筮象詞亦與

易林相似象後有詩作五七言斷句體當是後人增
入顏何注言推驗陳劉解則衷諸易理闡發入微舊
時惟鈔本流傳至明正德間蜀周侍御某得是書命
喬府判某刊於杭郡有李遠劉基董元錫序

易林四卷校宋本

漢焦贛撰隋唐宋志俱作十六卷泰興季氏藏有宋
槧本亦同今分卷上下各二不知何時合併此明吳
郡陸翀之辨疑館刊本譌字甚多家曇谷假得絳雲
樓所藏宋本校改致為精善惟曇谷嘗語陸敕先云
宋本有全注未及舉錄絳雲一炬而其書不傳為憾
然幸有此校本猶存古書真面目曇谷名元錫忠宣

公長子也卷首有臨桂世伯瞿元錫曇谷瞿昌文印壽明諸朱記

京氏易傳三卷

明刊本

漢京房撰吳陸續注漢志載京氏書甚多今僅存易傳殆以所論世應飛伏游魂歸魂已開後世錢卜之法故流傳不廢歟此本每卷有潁川張鯤校五字

理氣心印三卷

舊鈔本

不題撰人姓氏前有唐亞父邱延翰宋國師吳景鸞進書表案景鸞表語延翰在玄宗朝曾撰進理氣心印經三卷天機書三卷僖宗末贛水曾求已與同關人楊益在兵間得其書後由曾文迪傳陳希夷而景鸞父克誠從希夷學陰陽卜筮故景鸞得之是書以太極圖為首先天後天太陰納甲諸圖次之書中臣延翰云云當是唐時原本而臣景鸞言則景鸞承詔

補注也後有金精山人廖伯瑀記此為汲古閣鈔本

新刊圖解玉靈聚義占卜龜經四卷

元刊本

題王洙撰陸森類編駱天祐校正卷二中雜入野庵龜經一種審其次第與敏求記所載四庫著錄微異各家皆題陸森作而此曰王洙案森吳人為陰陽教諭不脫術家習氣故所作訣法詞不雅馴卷中有從祕閣所藏龜經參定一條豈龜經即洙所撰耶

玉靈照膽經一卷

舊鈔本

題雪溪竹隱老人邵平軒撰前有淳熙己酉自序及至順壬申東吳詹仲修序據詹序稱其理微妙不可測斷則竹隱老人殆深於龜卜者也是書敏求記著錄

周易神應六親百章海底眼二卷

影鈔元本

題臨川王肅大鼎撰杭郡何侁信亨重編錢塘徐大升進之校正原書作七言絕句及四言體王何爲之注云出晉逸士無惑先生王鄩字子路所傳蓋依託也其占法專言六親卽今世錢卜之法

右占卜

新雕注疏珞珠子三命消息賦三卷附校正李燕陰陽三

命二卷

影鈔宋本

題宜春李全注東方明疏前有嘉祐四年全序此書晁氏讀書志作五卷蓋合李燕書言之焦氏經籍志譌作十卷明又譌朔或作李同李全者皆譌郡中黃氏嘗得宋刊本爲傳是樓故物今歸仁和胡君心耘

此本卽從之影寫也

新編四家註解經進珞珠子消息賦六卷

影鈔元本

賦不著撰人作注者題保義郎監內香藥庫門臣王廷光宜春李全嘉禾釋曇瑩東海徐子平所謂四家是也此書敏求記著錄所題作注人姓名與此本同惟作二卷爲異疑錢氏所見非足本耳永樂大典所收有二本一題釋曇瑩撰兼采王李之注附以己說卽四庫著錄本也一爲徐子平注解本此本合四家注爲之故與大典本絕異卷首有王廷光進書序

新刊範圍數二卷

元刊本

不著撰人姓名永樂大典中引之謂元賈顥撰分圖式門起例門總訣門吉歌門凶歌門賦論門爲上卷

卦訣門數格門為下卷明趙迎有範圍數自圖式至

流年斷訣凡十五門即襲其書也舊為文氏王氏季

氏藏書卷首有玉蘭堂五峰樵客梅花屋竹塢

右命書

太乙金鏡式十卷舊鈔本

唐王希明編史記日者傳云術數七家太乙家居其

一漢志五行家亦有泰壹之名知其術相傳已久矣

五行精紀三十三卷舊鈔本

宋廖中撰此書書錄解題及文獻通考作三十四卷

敏求記所載祇三十二卷缺三十三三十四兩卷也

此較多一卷所引星命家五十一種多不經見者

彈冠必用集一卷影鈔本

宋周渭撰并序渭鄱陽人文獻通考譌作謂此書亦

見書錄解題謂專為宦遊擇日而設凡三十篇後有

乾道乙酉廬山唐汝舟跋末附漢南張昌詩兀日別

法二條又昌詩跋卷末有紹熙申寅歲當塗縣令沈

邠刊於正己堂二行此本明人鈔自宋刻亦祕笈也

三曆撮要一卷宋刊本

不著撰人姓氏其書按月具載嫁娶上官出行等吉

日及不可用之凶日即古孤虛旺相之術也其援引

有會要曆百忌曆集聖曆廣聖曆而第三曆者以

後有詳載萬通曆集正曆具注曆等圖說故以名之

耳每半葉十行行十九字舊為士禮居藏書有潛研

錢氏跋云此書不題撰人姓名亦無刊刻年月所引

萬通百忌萬年具注集聖廣聖諸書皆選擇家言司
 天監據以鋪注頒朔者也劉德成方操仲汪德昭倪
 和甫益當時術數之士今無能舉其姓名者矣書中
 引沈存中筆談當是南宋所刊嘉慶己未十月十有
 四日竹汀居士假讀時年七十有二此跋與養新又
 錄所載稍異
 有淵如孫氏跋云舊本陰陽書甚少由術士祕其書
 而毀之道甲六壬古法猶見於太白陰經及武經總
 要而歸忌反支天倉諸說載在經史者轉無成書今
 蒐圖得此本存宋以前古法亟屬影寫傳世嘗考夏
 正以平旦為朔則日辰宜起寅時以子丑時入前一
 日術者不知故一切遁甲六壬多不驗書此以質知
 者陽湖孫星衍書卷首有通儒世家黃
 不烈印復翁諸朱記

年月備要前集一卷後集六卷

元刊本

不著撰人姓氏前有總目曰前集三元通用六十年
 定例後集六卷諸家總要舊為文瑞樓藏書

右陰陽五行

藝術類

書品一卷

舊鈔本

梁庾肩吾撰是本列九品者亦止一百二十三人與
 序語云一百二十八人不合王漁洋譏毛氏刊本有

誤實世無別本也

卷首有稽
瑞樓朱記

貞觀公私畫史一卷

舊鈔本

唐中書舍人裴孝源撰前有貞觀十三年自序略謂
 錄魏晉以來至貞觀十三年祕府及佛寺并私家所

蓄遺蹟有二百九十八卷屋壁四十七所目為貞觀

公私畫錄舊出汲古毛氏鈔本卷首有毛氏子晉朱記

唐朝名畫錄一卷五代名畫補遺一卷明刊本

兩書明時合刻本名畫錄唐朱景元撰并序陳氏書錄作唐朝畫斷云後有天聖三年商宗儒後序今此本無之其卷首題唐朝名畫錄而卷末一行復改為

唐賢不可解名畫補遺宋大梁劉道醇纂陳氏作五

代名畫記有嘉祐四年陳洵直序舊藏洞庭葉氏卷首

有葉樹廉印石君二朱記

墨藪二卷舊鈔本

陳氏書錄云不知何人所集此題唐韋續纂其二十一篇之數與陳氏所載合文獻通考作十卷蓋傳寫

之誤也

法帖音釋刊誤一卷鈔本

宋參知政事陳與義奉敕校正劉次莊所撰官帖釋文其刊正誤字皆極精核有周必大跋又見卷

翰墨志一卷鈔本

宋高宗御製高宗書學二王所得最深自謂五十年未嘗舍筆此其晚年所作雖篇葉寥寥實皆論書精要語也

圖畫見聞誌六卷元鈔本三卷宋刊本三卷

宋郭若虛撰前三卷係元人手錄每半葉十四行行廿四字前有郭若虛自序以明翻宋陳道人刊本校之頗有不同如卷一次行題郭若虛撰又次為敘論

細目七行而陳本無之卷二李昇條注云蜀中多呼昇爲小李將軍小李將軍乃是思訓之子陳本脫下小李將軍四字卷三文同條末有一字至十字詩云竹竹森寒潔綠湘江邊渭水曲帷幔翠錦戈矛蒼玉虛心異衆草勁節逾凡木化龍杖入僊陂呼鳳律鳴神谷月娥巾帔淨冉冉風女笙竽清肅肅林間飲酒碎影搖金石上圍碁清陰覆局屈大夫逐去徒悅椒蘭陶先生歸來但尋松菊若檀欒之操則無敵於君圖瀟灑之姿亦莫賢於僕此詩陳本亦失載又按卷一論黃徐體異條刁處士名光下注云下一字犯太祖廟諱則其所據別本亦是宋刻也後三卷爲宋臨安府陳道人書籍鋪刊行本每半葉十一行行二十

字與明翻本行欵悉同惟匡貞構購等字皆闕筆翻本則不盡然其紙皆羅紋闊簾信是宋刻宋印也元鈔序目補闕爲秦西巖手筆且有楊夢羽氏印知爲吾鄉萬卷樓舊物歷二百年復歸故地雖失其半而復得黃蕘圃氏以宋刊補之旣喜珠還且成璧合矣

宣和畫譜二十卷

舊鈔本

不著撰人姓名蓋當時米襄陽蔡京等奉敕纂定者是本有無名氏原序無宣和庚子御製等字始知別本有之乃後人妄加王肯堂遂誤以爲此書出御纂耳此鈔字蹟甚舊卷中朱筆校改迺忠宣手蹟第六七等卷末有崇禎癸酉某月某日校及耕石齋主人

題字

卷後有陳煌圖印鴻文二朱記

純全集四卷

舊鈔本

題宋翰林書藝局祇候南陽韓拙全翁撰有自序又張懷後序是書共十篇曰論山曰論水曰論林木曰論石曰論烟霧嵐光風雪雨曰論人物橋約關城寺觀山居舟船四時之景曰論用筆墨格法氣韻之病曰論觀畫別識曰論古今之學者曰論三古之畫過宣味與不及別本曰山水純全集佚去末篇此為明沈辨之鈔藏本猶全帙也每葉闌外右角有吳縣野竹家沈辨之製九字卷首有野竹家沈辨之印沈辨之氏方山濠南居士吳岫海虞陵秋家藏稽瑞樓諸朱記

廣川畫跋六卷

舊鈔本

宋董道撰是書有楊升庵刻本中有脫文及此文錯入他文之尾者此從元至正乙巳華亭孫道明鈔本傳錄孫從宋末書生寫本錄出流傳最舊惟六卷末有缺文黃文琴六據楊本校補并補正他處闕字遂成完書

廣川畫跋六卷

明刊本

此楊升庵從館閣本錄出以刻者目中書李子西兵車圖書龍衮文馬圖二篇列卷一末與本書合二元鈔本錯入於前者訛惟楊本譌字為多黃文琴六即據元鈔本校改訂正有劉大謨序楊慎跋

畫繼十卷

明刊本

宋鄧椿撰前有乾道三年自序謂繼張彥遠歷代名畫記郭若虛圖畫見聞志而作者自熙寧而後列于

書者凡二百一十九人明嘉靖間刻本

書苑菁華二十卷

舊鈔本

宋陳思撰魏了翁序思為臨安書賈亦喜撰述嘗著寶刻叢編流傳於世金石家稱之是編輯漢魏以來論書之說雖標目未盡允當而搜羅亦博可供臨池之助與朱樂圃墨池編相伯仲也舊為洞庭徐氏物從宋刻傳錄末有萬曆七年徐玄佐跋

皇宋書錄三卷

舊鈔本

宋董史撰并序書作於理宗淳祐王寅年中燬於火至度宗咸淳乙丑歲修校成編是本出華亭孫氏鈔傳卷末有至正丁未三月十四日錄辨一行惜中多脫文缺字無從校補史字良史乃從姓得名有作董

更者傳寫之誤

圖畫考七卷

舊鈔本

元盛熙明撰熙明有法書考入卷著錄四庫而此書不載錢氏元史藝文志亦無其目案自序有云臣不揣愚陋嘗著法書考今復博采傳記芟繁摭要撰為圖畫考一通繕寫上進是此書之作在法書考奏御之後本自別行也書為目二十有七卷一曰述原興廢規鑒圖名師傅卷二曰工用筆法氣韻設色模搨卷三曰佛道人物傳真宮室卷四曰山水附樹石卷五曰竹木花鳥蔬果龍魚畜獸卷六曰名譜分上古中古近古三子目卷七曰鑒藏辨謬品價印記裝

稍藏玩大概本之張彥遠名畫記郭若虛見聞志餘

如謝赫古畫品錄郭思林泉高致之屬已不多及
四庫全書提要稱法書考雖襍取諸家之說而採擇
特精今觀此書亦復條理秩然猶前志也

書法鈞元四卷

明刊本

元蘇霖撰自序謂搜訪鈔錄前人論書語輯成巨帙
此特纂其要言故曰鈞元舊爲邑中馮氏藏本

卷首有馮武之印簡緣子寶伯父長樂諸朱記

圖繪寶鑑五卷補遺一卷

元刊本

題吳興夏文彥士良纂前有至正乙巳士良自序卷

末有至正丙午新刊一行時元順帝二十六年也

卷末有頂墨林鑑賞墨林祕玩項子京家珍藏項元汴印諸朱記

右書畫

琴史六卷

舊鈔本

宋朱長文撰宋以前論琴之書見于陳氏書錄者甚
多今皆不傳世所傳者蔡氏琴操外以此書爲最古
作於元豐七年紹定癸巳從孫正大始刊板行之此
明正德戊寅安愚錄本卷中遇宋帝字皆提行猶依
宋本式也愚所錄又有琴苑要錄一冊無撰人名氏
與此合爲上下冊裝池楮墨皆同舊藏稽瑞樓

琴統一卷外篇一卷

舊鈔本

題南溪徐理撰釋書中追古篇知爲宋理宗時人先
成鐘律書進御得叨恩科給年五十後復成此書中
論音律最詳外篇有自序列律圖并補論琴統所未
備各家書目皆未載審其楮墨亦正德時鈔本與琴

史諸書以類相附者也此書與懶仙五聲琴譜合爲
一冊據自序懶仙明天順問人其姓名不可考

右琴譜

忘憂清樂集一卷

宋刊本

此書無標題亦無序跋首列皇祐中張學士棊經十
三篇次列劉仲甫棊訣四篇張靖論棊訣要雜說後
列孫吳至宋舊圖若干局又列棊勢若干局共裝三
冊案陳氏書錄有忘憂清樂集題棊待詔李逸民撰
集此本棊經後次徽宗御製詩有忘憂清樂在棊枰
之句又有前御書院棊待詔賜緋李逸民重編一行
黃復翁遂據以定此名想當時標題在序首今失之
耳舊藏士禮居後入藝芸書舍湖賈金仁甫攜以見

示購之以備雜藝一門

卷首有士鍾閔
原父二朱記

右雜技

鐵琴銅劍樓藏書目錄卷十五終

